

S2651-7  
887

齒  
喉  
耳  
面

千  
金  
方  
衍  
義  
九



孫真人千金方衍義卷六下

長洲張詒路王著

南沙席世臣郢客校

七竅病方下

凡四類

齒病第六

論一首 灸法二首

方三十六首

論曰凡齒斷宣露多是疔匿及月蝕以角蒿灰夜傅

斷齒使滿勿食油不過二三夜瘥食油及乾棗即發

死以患齒者忌油乾棗及桂心每旦以一捻鹽內口

中以溫水含措齒及叩齒百遍為之不絕不過五日

口齒即牢密凡人齒斷不能食果菜者皆由齒根露



也為此鹽湯揩齒叩齒法無不愈也神良凡人好齒  
齒病多由月蝕夜食飲之所致也識者深宜慎之  
以日月蝕未平時特忌飲食小兒亦然

治齩齒及蟲痛方

白附子宜知母各六細辛各六

芎藭各六高良薑各十

右五味為末以綿裹少許著齒上有汁吐出一日  
兩度含之亦治口氣

衍義

齒為骨之餘屬腎而實陽明所司齒齩動搖固為

腎病瘡蝕齩齒豈非濕熱為患乎所云以角蒿灰



夜傳專主蟲蝕標病角蒿節青蒿中一種生茨者  
但世罕採用詳青蒿灰淋汁和石灰可以點瘡  
息肉并可借治齒斷蟲蝕可知又云每旦以鹽指  
齒此則專主少陰不特入骨固脫兼能清理濕熱  
標本兼該之治也此方首推白附溫散陽明風毒  
細辛入骨搜風芎藭散頭腦風良薑溫散結熱四  
味辛溫藥中專取知母之甘寒直入少陰引領蘊  
積蒸邪悉從之而解散矣

又方

切白馬懸蹄如米許以綿裹著痛處孔不過三

度善

〔衍義〕

白馬蹄本經主蠱毒不祥別錄主內崩齧齒

治齧齒蟲痛總取殺蟲散血之功也

治匿齒蟲齒積年不癒從少至老方

雀麥艸一名杜姥艸似牛毛艸以苦瓠葉四十

枚淨洗露一宿平旦取艸屈長二寸廣一寸厚

五分以瓠葉裹傅之作五六十裹子取三年醞

醋浸之至日中取兩裹內火中炮令極熱內口

中齒外邊熨之冷則易之取銅器以水內中解

裹於水中洗之得蟲長三分老者黃赤色少者



白色多者得三四十枚少者得一二十枚

衍義

雀麥達肝瓠葉殺蟲浸以醎醋專收蟲匿

### 治蟲齒方

荳蔻子三合如無葱子韭子並得以青錢

燒令赤取小口嬰子令可口含得者將錢內嬰

子中取一撮許荳蔻子安錢上令炮炆聲仍與

半合許水淋令氣上從嬰出將口含嬰口令氣

莫出用熏齒冷復更作取三合藥盡為劑非止

蟲齒得瘥或風齒齲齒齒中病悉主之口中多

津即吐之



又方

白楊葉切一升水三升煮取一升含之

又方

大醋一升煮枸杞根白皮一升取半升含之

立出

又方

取桃仁少許以釵頭穿向燈上燒之烟出經少  
時吹滅卽內入口安蟲齒上咬之不過五六度

一方作胡桃仁

衍義

本經以葇芎爲齒痛出蟲專藥千金熏法最良其



北京中醫藥大學  
1956  
中國醫藥大學圖書館藏

葱子辛溫達竅韭子辛熱壯火皆取濁惡之氣以  
攻濁惡疳蝕也 白楊葉殺蟲散血卽水楊葉煮  
漱亦良 枸杞根疏利濕熱得醋煮以收濕性  
不似萇蓉葱韭子有攻毒傷齒之患 桃仁丸能  
破血妙用尤在炮香氣竄投蟲所喜與胡桃仁同

義

治疳蟲蝕齒根方

地龍置石上著一撮鹽須臾化爲水以麩展取  
却待凝厚取以內病上又以皂莢去皮塗上蟲

卽出





又方

純麻子燭燼研以井花水塗之

又方

黑殺羊脂葇蓉各等分先燒鐵鋤斧登合赤肉

其中烟出以布單覆合烟氣入口熏之

衍義

蚘性鹹寒得鹽化水用麩收取以內痛上足以散

其濕熱疼腫矣又須皂莢之去風痺死肌何懼蟲

毒不化耶 麻仁去風燭燼散火乃以井水化其

火毒 殺羊角入山燒之辟惡鬼虎狼亦能殺疥

其脂之開結透經并葇蓉子以殺蟲化毒乃燒鐵



置一物熏之與前燒錢置罌炙葭若子熏法無異  
治齒斷腫痛及蟲痛方

黃芩

甘艸

桂心

當歸

細辛

蛇床子

各兩

右六味咬咀以醋漿水七升煮取三升去滓含之

日三夜二

治齒有孔不得食面腫方

莽艸

猪椒附根皮

長四寸者七枚

右二味咬咀以漿水三升煮取一升滿口含倦即

吐却日二三度



治齒根腫方

松葉一把切

鹽一合

右二味以酒三升煮取一升含之

衍義

痛腫渾是濕熱故用黃芩清火甘艸解熱桂心引

入患所以為濕熱嚮導當歸和血細辛按風蛇床

除風頭痛本經之主治也六味藥中除黃芩甘艸

餘皆辛散故用醋漿水煎深得散中寓斂之妙

莽艸猪椒根皮皆治毒風疼腫之峻藥此惟藜藿

氣實者宜之松葉去風散濕得鹽以製其燥得

酒以鼓其方也



北京中醫藥大學圖書館藏

治齒根動欲脫落方

生地黄綿裹著齒上咋之又咬咀以汁漬齒

日四五度著之并咽汁十日內大佳

治齒根動且痛方

又生地黄

獨活 各三兩

右二味咬咀以水一升漬一宿取含之

衍義

齒根動搖皆屬腎虛挾火動而不痛尤為腎虛之

驗非生地黄之甘寒不能清熱固脫也 若動搖

且痛且腫必是腎虛風襲乃於生地黄中兼獨活

以搜之與細辛功用不殊也



治齒齬間津津血出不止方

且生竹茹二兩醋煮含之

又方

細辛

二兩

甘艸

一兩

右二味咬咀以醋二升煎取一升日夜旋含之

又方

礬石一兩燒水三升煮取一升先拭血乃含之

已後不用朽人牙根齒落不用之可也

治齒間血出方

以苦竹葉濃煮與鹽少許寒温得所含之冷卽



吐

又方

温童子小便半升取三合含之其血即止也

治齒出血不止方

刮生竹皮二兩苦酒浸之令其人解衣坐使人

含嗅其膏上三過仍取竹茹濃煮汁勿與鹽適

寒温含漱之竟日為度

治酒醉牙齒湧血出方

當歸 二兩

礬石 六銖

桂心

細辛

甘艸 各一兩



右五味咬咀以漿水五升煮取三升含之日五

夜三

又方

燒鐵釘令赤注血孔中止

衍義

血從齒斷津津而出明係陽明虛熱故用竹茹專

清浮火兼取醋煮酸以收之病本在經但取含漱

不須煎服 若前法不應應是風熱為患審其人

必有鼻塞面赤之證又當與細辛搜風甘艸和胃

用醋煎含其血自止 若涌脫無度不得已用攀

湯劫之但瀋酸透骨朽人牙根不可常試 如勢



不大劇則於竹葉 中入鹽以降泄之 童子小

便乘熱含漱卽竹葉湯中用鹽之意 竹皮餅

而三啜其背使人毛孔凜然其血卽止非傷寒病

在陽應以汗解反以水啜之比啜後仍令含漱浮

火既斂所以不用鹹降也 酒醉後齒斷血涌濕

熱勢盛卽於前治齒斷腫痛及蟲痛方中除去黃

芩蛇床易入礬石亦是涌脫勢劇不獲已而用之

倘含不卽應乃燒鐵釘烙血孔中又劫法中之

劫法

治頭面風口齒疼痛不可忍方





川椒 一合

莽艸 十葉

雀李根

獨活 各二兩

細辛

芎藭

防風 各一兩

右七味咬咀以酒二升半煮取五沸去滓含之

吐更含之勿咽汁 張文仲有白朮二兩

又方

雞屎白燒灰以綿裹置齒痛上咬昨之

又方

雞屎白以醋煮漬稍稍含之

又方

